



Fylkesmannen i Hordaland

Sakshandsamar, telefon
Solveig Kalvø Roald, 5557 2327

Vår dato
13.08.2018
Dykkar dato
20.07.2018

Vår referanse
2018/9441 522.1
Dykkar referanse
18/1900

Radøy kommune
Radøyvegen 1690
5936 Manger

Miljøfagleg kommentar - Radøy - Gnr 39 bnr 1 - nydyrking - Arve Erstad - Erna Erstad

Først vil vi beklage at svaret vårt, på grunn av ferieavvikling, kjem seint. Kommunen opplyser at de vurderer å gje løyve til tiltaket. Når det skal gjerast vedtak i saka må tiltaket mellom anna vurderast og grunngevast etter prinsippa i naturmangfaldlova §§8-12 (jf naturmangfaldlova § 7). Det aktuelle arealet er definert som myr og dette er eit moment som må drøftast når saka skal vurderast etter desse prinsippa.

Vi har diverre ikkje ei fullstendig kartlegging av myr-naturtypar i Hordaland, og det må vurderast om den myra som ein no søkjer om å få dyrke opp delar av kan ha miljøverdiar knytt til seg, sjølv om dette ikkje er registrert i naturbase.

Av DN-handbok 13, som ligg til grunn for denne kartlegginga, ser vi at dette kan karakteriserast som ei kystmyr. Intakt kystmyr i boreonemoral sone eller i det intensivt drivne jordbrukslandskapet, med ein storleik på over 50 daa skal verdsettast som «svært viktig», eller som ein naturtype med A-verdi. Arealet som her søkast omdisponert er del av eit større myrsystem, som er langt meir enn 50 daa totalt. Dette må takast med i vurderinga når saka skal handsamast etter naturmangfaldlova, og vil i seg sjølv kunne vere grunn til å avslå tiltaket.

Nydyrking av myr har og eit klimaaspekt knytt til seg, og i tilknytning til det nye statsbudsjettet blei det vedtatt at Stortinget bad regjeringa framme forslag om forbod mot nydyrking av myr. Eit slikt forslag har nettopp vore ute til høyring og det vil vere naturleg å leggje vekt på dette når saka skal vurderast etter § 9 i naturmangfaldlova (føre-var-prinsippet).

Med helsing

Magnus Johan Steinsvåg
seniorrådgjevar

Solveig Kalvø Roald
seniorrådgjevar

Brevet er godkjent elektronisk og har derfor inga underskrift.